

沅江縣志

秩祀志

祠廟附

先王之謹於祀事也禮之以人者則屋之像其生也禮之以神者則壇壝而不屋達其氣也民生於土穀故社稷爲先又合風雲雷雨城隍而祀之春祈秋報凡以爲民也茲皆壇也厲餒而之鬼亦壇之何也無祀則無依游魂爲變故壇之也文昌星也祀之與關壯繆同何也張仲孝友古有其人生爲人陟爲星亦理之恒也故屋之如其生也楚人好鬼淫祀多不可問茲復列祠廟於後何也有功德於民則祀之能爲民捍災禦患則祀之亦禮之教也非是不敢蹈諂鬼之譏也志秩祀

社稷壇

周禮大司徒設社稷之壇而樹之主各以野所宜木名其社社有主稷無主言社則稷從之其主或用石或用木歷代不一明太祖兼用焉其壇必西郊而北面者社稷陰神西郊陰方而北又六陰之首故壇與面皆從其類也舊在縣北明嘉靖十四年知縣郭珊遷建縣西有園土四分給看壇人耕作知縣霍梓砌臺後圯

國朝嘉慶二年知縣傅景錚因百骨塔頽將磚改修  
兩壇內爲邑厲壇外爲社稷壇在縣西武廟後  
石主 埋於壇上正中近南距壇二尺五寸只露圓  
尖以爲表的惟社主則然稷不建石主又按雍正  
十年部文議准晉撫石條奏並建稷主俱不用鑄  
神號

每歲春秋仲月上戊日出主於壇而祭之

陳設

祝版一 有架

縣社神位前

沅江縣志

卷十三 秩祀

二

帛一 白色

爵三

簠二 黍稷

簋二 稻粱

籩四 魚形 鹽棗 栗亮

豆四 韭菹 鹿醢 醢醢

羊一

豕一 同俎

鐙一

尊一 有勺 布有罍 疏

鉶二

縣稷神位前同

儀注

前祭一日地方官淨壇設次陳設官率其屬監視  
陳設委官著補服至

壇封帛畢 禮生 引至省牲所省牲 禮生 接毛血供香

案上省牲官行一跪三叩首禮畢退

祭之日五鼓主祭官陪祭官各朝服詣壇北門外

升次序班以下祭官俱侍立縣茶二巡畢陰陽官報聲鼓

唱鼓初嚴各鼓初從徐後等疾以出赴巡警牌在外司巡役人

止役各人就牌少下選立唱禁鼓再嚴主祭官陪祭官俱起唱立

贊生者先入就位少各選執事唱鼓三嚴以下贊魚貫入就拜官

位旁唱立詣盥洗所濯水進巾唱執事者各執其事

各司尊所就神位所前立左右獻生分東西唱升主祭官就

位俟立唱定陪祭官就位俟各立瘞毛血助獻生徹

於坎祭畢同迎神上香引主祭官自東階升就香

復位西引階下祭官贊由跪皆主祭官以贊下三跪九叩首贊

沅江縣志 卷十三 秩祀 三

興唱行初獻禮前引贊生詣醴尊所司尊者舉冪酌

醴執帛者捧帛執爵者捧爵東引主祭官自贊詣

縣社神位前跪獻左右助跪獻帛主右祭官舉舉授左助獻奠

神座前獻爵如儀叩首贊興贊詣

縣稷神位前禮如前儀贊詣讀祝位唱跪引主案前祭官跪詣

祝者捧祝版唱陪祭官皆跪贊讀祝文讀原位仍贊安三

叩首贊興贊復位西引主祭官自行亞獻禮前引贊如

亞獻禮畢贊復位唱行終獻禮前引贊如終獻禮畢

贊復位唱飲福受胙東引主祭官自贊詣飲福位贊跪

助獻二名跪於左立贊飲福醴主祭官受酒啐贊

受福胙

左受胙者舉拱贊

三叩首

贊興贊

復位

贊謝胙

跪

主祭官以下皆跪

三跪九叩首

贊興唱

徹饌

唱送神

跪

贊

三跪九叩首

唱

讀祝者捧祝司帛者捧帛詣

瘞所

唱

望瘞

主祭官率陪祭官瘞坎立

復位

唱

禮畢

祝文

維嘉慶

年歲次

仲春月

朔越祭日

湖南常德府沅江縣各官名銜致祭

縣社

縣稷之神曰惟神奠安九土粒食萬邦分五色以表風

圻育三農而蕃稼穡恭膺守土肅展明禋茲當仲

沅江縣志

卷十三 秩祀

四

春秋敬修祀事庶丸丸松栢鞏磐石於無疆翼翼黍

苗佐神倉於不匱尚

饗

南壇

古於立春後午日祭風於東北立夏後申日祭雷

於西南雲未有祭也明洪武初始令有司合風雲

雷雨爲一壇並配以境內山川城隍之神然壇必

郊位必南向神陽從陽以達其義也望燎順其氣

也原在城東龍船頭明萬歷間知縣霍梓建臺後

圮

國朝乾隆六年知縣張大塘遷建於東門坡在今文昌閣後三面修墻其前作木欄

神位

按會典風雲雷雨山川城隍順治初共為一壇致祭雍正二年奏淮安設神位風雲雷雨稱

風雲雷雨之神居中山川稱某府州縣

山川之神居左城隍稱某府州縣

城隍之神居右其用白色帛七禮儀與社稷壇同

乾隆二十二年三月禮部議覆陝西巡撫陳宏謀咨稱致祭社稷壇定於春秋仲月上戊致祭山川

沅江縣志

卷十三 秩祀

五

壇祇載春秋仲月未奉定有祭期會典亦未載有祭日等語今擬山川之神於春秋仲月與社稷壇同日致祭請載入會典永遠遵行

陳設

祝版一 有架

香槃一

風雲雷雨神位前

帛四 白色同筐

爵十二

鉶二

簋二 黍稷

簋二 稻粱

籩四 刑鹽藟魚棗栗

豆四 韭菹鹿醢醢醢

羊一

豕一 同俎

鐙二

鑪一

尊一 有布有鬯勺疏

山川神位前

帛一 白色同筐

爵六

餘器數羊豕同

城隍神位前

帛一 白色

爵三

餘器數羊豕同

儀注 同社稷壇

祝文

維嘉慶 年歲次 月 朔越祭日

湖南常德府沅江縣 各官銜名 致祭於

風雲雷雨

山川

沅江縣志

卷十三 秩祀

六

城隍之神曰惟

神贊襄天澤福佑蒼黎佐靈化以流行生成永賴乘

氣機而鼓盪溫肅攸宜磅礴高深長保安貞之吉

憑依鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲

幣尚

饗

先農壇

古者八蜡祭先嗇司嗇自伊耆氏以來垂為令典

凡以重農務本不忘其朔也壇在西郊五穀崙離

城四里雍正四年奉文建立文云先農宜作神廟以安神主另作壇又應恭築神倉收儲祭器農具並貯耜田穀積五年糶其餘以辦祭器有羨則批解藩倉奉文之後沅邑許姓捐有耜田四畝九分灌塘一口計一畝三分每年除籽種外收租穀五石六斗存倉俟五年出糶除存祭費銀二兩零四分餘剩解司充餉近日壇宇祭器以年久多朽壞應合修理以肅大典

大清會典雍正四年令各省督撫轉行府州縣衛擇東郊潔淨豐腴之地照九卿所議耜田畝數爲四畝九分立先農壇每歲仲春亥日督撫以下等官率屬員耆老農夫恭祭

先農之神一切禮儀祭品與各省社稷壇同

壇高二尺一寸廣二丈 牌高二尺四寸口六尺  
座高五寸廣九寸五分

壇後祠宇

正房三配房各一正房中供

先農神位赤牌金書

東正房

貯祭器農具

西正房

貯耜田米穀

東配房

收祭器

西配房

看守農民居住

耜田四畝九分

陳設

帛一 青色

爵三

餘器數羊豕同

儀注 同社稷壇

祝文

維嘉慶 年歲次 月 朔越祭日

湖南常德府沅江縣知縣 各官銜名 致祭於

先農之神曰惟

神肇興稼穡粒我烝民頌思文之德克配彼天念率

育之功常存時夏茲當東作咸服先疇共推

九五之尊歲奉

沅江縣志 卷十三 秩祀 八

三推之典恭膺守土敢忘勤勞謹奉彝章聿修祀事

惟願五風十雨嘉祥恒沐於

神庥庶幾九穗雙岐上瑞頻書於大有尚

饗

邑厲壇

漢時民家皆有厲祭蓋以鬼有所歸乃不為厲如  
鄭伯有介而行及相奪祭祀事左氏雖浮夸未必  
皆嚮言也壇而食之雖曰禳崇抑以惠及無祀不  
使餒而王政之仁也明洪武二年始命縣為邑厲  
壇以祭無祀鬼神每歲以清明日中元日十月朔



日致祭迎城隍之神主之其址原在縣北一里明  
嘉靖十四年知縣鄭珊改遷景星寺鄉厲土穀總  
建一壇久廢其後臨祭於武廟前憑空設儀致祭  
至

國朝嘉慶二年知縣傅景錞始與社稷壇並建於武  
廟後祭時迎

城隍牌位於壇上以主其祭另用紙多書無祀鬼神  
等衆牌位列於壇下左右

陳設

城隍神位前

沅江縣志

卷十三 秩祀

九

祝版一 有架 帛一 白色

爵三

羹五器 羊一 豕一 同俎

鐙二 鑪一 香槃一

紙馬一分

無祀鬼神前 東西各一案

爵三 菜三品 羊一

豕一 同俎 米一 鐙二

鑪一 紙楮十兩 金銀十束

儀注

祭日地方官率其屬禮服詣壇 引贊生前引唱至詣

盥洗所 濯水 進巾唱 主祭官就位 陪祭官

就位俟各立 上香前引主祭官詣香案 復位 迎神

贊 一跪三叩首贊 興唱 行獻禮贊 詣

城隍神位前 跪 獻帛 獻爵舉爵贊 叩首贊 興贊 詣

讀祝位 跪引主祭官詣案前 陪祭官皆

跪贊 讀祝文讀原位仍安 三叩贊 興贊 復位唱 徹饌

送神贊 一跪三叩首 興唱 焚祝帛紙馬 復位

禮畢

祝文

維嘉慶 年歲次 日

沅江縣志

卷十三 秩祀

十

湖南常德府沅江縣知縣各官銜名 致祭於

城隍之神曰普天之下后土之上無不有人無不有鬼神人鬼之道幽明雖殊其理則一故制有治人之法卽制有事神之道念厥冥冥之中無祀鬼神昔爲生民未知何故而歿其間有遭兵刃而損傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蟲所害者有爲飢餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此

等孤魂死無所依最堪憐憫或依草附木或作妖  
爲怪徘徊於星月之下悲號於風雨之中今迎  
尊神以主此祭謹設壇於城西茲當月上月下中元佳節  
謹備牲醴羹飯專祭本縣閭境無祀鬼神等衆靈  
其不昧來享此祭尚

饗

常雩壇

鄭康成曰雩者吁也吁嗟而請雨也說本公羊云  
使童子舞而呼雩主祭者以桑林六事自責每舉  
一事畢舞者吁吁如包苴行與吁吁刑罰失與吁是  
也然春秋書八月雩九月雩上辛雩季辛又雩或  
過時而慢或因旱乃行皆失其常是以見譏故左  
傳謂古者龍見而雩非必待事急而後爲吁嗟之  
請也月令孟夏之月命有司爲民祈祀山川百源  
大雩帝則雩有常期矣我

朝重爲民請命乾隆七年議准直省各府州縣孟夏  
擇日行常雩禮或有亢旱每七日先祭界內山川  
次祭社稷致齋虔禱雨澤不雨仍用祈禱如初不  
必另設雩壇其社稷等處自有舊設壇壝可以恪  
恭將事其或霽潦爲災則伐鼓用牲祭祭城門以

祈晴霽

陳設 同社稷壇

正中第一位

風雲雷雨神位前

帛四 青黃一黑

爵十二

劔二 和羹

簋二 黍稷

簋二 梁稻

籩四 形鹽蕘

豆四 韭菹鹿醢醢

羊一

豕一 同俎

鐙二

鑪一

尊一 有勺疏

壇左第二位

縣社神位前

沅江縣志

卷十三

秩祀

十二

帛一 黑色

爵三

餘俱同

壇右第三位

縣稷神位前

器數同前

壇次左第四位

山川神位前

帛一 白色

爵六

餘同

壇次右第五位

城隍神位前

帛一 白色

爵三

餘同

儀注 同社稷壇

關帝廟

一在縣南大碼頭舊稱轄神廟一在縣北山後爲行香祭祀之所乾隆五十六年知縣尹潮重建後有堂設雍正二年榮封三代牌位曰 光昭公 裕昌公 成忠公原置香火田七十二畝坐落嘉禾垸竹筒港又有上瓊橋河岸基地一間老岸兩間下瓊橋上邊河岸基地二間老岸二間下邊河岸基地二間老岸一間又店房基地二間  
大清會典順治元年定每年五月十三日祭九年

沅江縣志

卷十三 秩祀

十三

勅封忠義神武關聖大帝雍正三年

勅封關帝三代公爵造神牌供奉後殿五月致祭外定於春秋二仲月上戊日致祭五月題准前殿祭品用牛一羊一豕一籩豆各十主祭官行三跪九叩首禮後殿祭不用牛籩豆各八行二跪六叩首禮其五月十三日致祭但祭前殿不用籩豆用果五釘亦不用祝文

正殿陳設

帛一 白色

爵三

鐙二

鉶二

簋二

簋二

籩十

豆十

牛一

羊一俎

豕一俎

登一

鑪一

尊一有勺疏布罍

香槃一

儀注

前祭一日地方官進廟設次 前一日鋪後陳設  
 官率其屬監視陳設地方官恭捧主祭官及各襄  
 事生姓名榜至廟中奉安祝版於祝案正中詣  
 闕聖帝君前上香一炷行一跪三叩首禮 掛榜廟門  
 外次委官省牲監視宰牲委員着補服至  
 廟封帛禮生 引詣省牲禮生 接毛血供香案上省牲

沅江縣志

卷十三 秩祀

十四

官行一跪三叩首禮畢退

祭之日質明主祭官陪祭官各朝服詣廟門下馬步

行文武左右分左右門入文武左右升次序坐陪祭官以下茶二巡

畢陰陽官報聲鼓唱鼓初嚴鼓初徐疾以及百桴

官從人等俱出赴巡警牌外巡司人役各鼓再嚴

就牌下立閑人禁止鼓三嚴入贊生引旁立祭官以下詣盥洗所 濯水

主祭官陪祭官俱起立整冠帶入序出幄少選唱贊鼓三嚴入贊生引旁立祭官以下詣盥洗所 濯水

進巾唱執事者各執共事司尊者就所立助獻

唱主祭官就位俟立陪祭官就位俟各立上香

引主祭官至香案復位唱迎神跪主祭官以三跪

九叩首贊興唱行初獻禮贊詣醴尊所司尊者

舉冪酌醴執帛者捧帛執爵者捧爵官引自主殿

東升贊詣

闕聖帝君神位前贊跪左皆右助獻帛右助獻舉帛官授

拱神位左助獻獻爵如獻贊帛叩首贊興贊詣讀祝位

奠神位前助獻跪引主祭官詣祝案前自殿讀祝者舉祝版行亞獻

禮前引儀贊如亞獻禮畢贊復位唱行終獻禮前引儀贊如

終獻禮畢贊復位唱飲福受胙東引主祭官自詣飲

福位贊跪左助又獻二名捧酒於右胙立於飲福醴主祭官受酒啐

授爵於左贊受福胙左受胙者舉拱贊受三叩首贊興贊復

沅江縣志 卷十三 秩祀 十五

位引主祭官自謝胙跪皆跪祭官以下三跪九叩首

贊興唱徹饌助獻生舉饌出送神跪主祭以下三

跪九叩首贊興唱讀祝者捧祝司帛者捧帛

詣燎所左右列炬各一人望燎主祭官率陪祭官

復位唱禮畢

祝文

維嘉慶 年歲次 仲秋 月 朔越祭日

湖南常德府沅江縣知縣並各官致祭於

忠義神武靈佑闕聖大帝曰惟

帝浩氣凌霄丹心貫日扶正統而彰信義威振九州完

大節以篤忠貞名高三國

神明如在徧祠宇於寰區靈應丕昭薦馨香於歷代屢  
徵異績顯佑羣生恭值嘉辰遵行祀典筵陳籩豆  
几奠牲醪尚

饗

後殿陳設

帛三 白色

爵九

簠二

簋二

籩八

豆八

羊一

豕一 同俎

鐙二

鉶二

鑪一

香槃三

沅江縣志

卷十三 秩祀

十六

尊三 有勺疏布冪

儀注

省城祭日司道一員先詣行禮引贊生引入後殿

門就拜位立

唱贊生

執事者各執其事主祭官就位

上香

引贊并贊

詣盥洗所

濯水

進巾

引主祭官由殿

左升至香案前

贊贊

復位

引主祭官自

迎神跪

贊贊 二跪

六叩首

贊贊 興

行初獻禮

贊贊

詣醴尊所

司尊者

舉冪酌酒

執帛者捧帛

執爵者捧爵詣

闕聖帝君先代神位前

由殿左 進

跪

獻帛

如正儀

獻爵

如正

殿儀 唱

叩首

贊贊 興

詣讀祝位

跪

讀畢

三叩

贊贊



興贊復位由殿下行亞獻禮禮如前贊

獻禮禮如前贊復位唱徹饌如正殿送神跪贊二跪

六叩首贊興唱讀祝者捧祝司帛者捧帛司

饌者舉饌詣燎所如正殿望燎復位禮畢引贊

生引主祭官出復次

祝文

維嘉慶 年歲次 月 朔越祭日

湖南常德府沅江縣知縣並各官銜名致祭於

關帝之

曾祖光昭公

沅江縣志

卷十三 秩祀

十七

祖裕昌公

父成忠公曰惟

公世澤貽庥靈源積慶德能昌後篤生神武之英善則

歸親宜享尊崇之報列上公之封爵

錫命優隆合三世以肇禋典章明備恭逢諏吉祇事薦

馨尚

饗

文昌廟

原在老學宮左乾隆六年為烈風所壞知縣張大

塘請帑建廟於舊鎮龍閣地四十四年知縣方廷

機改爲水府廟以東門坡水府廟改爲文昌閣嘉慶七年奉部文改閣曰廟乾隆五十九年閣前建奎星樓一座有田八畝二分在永興垵又乾隆三十三年顏國亮捐曾家垵田二十畝後公出售另置嘉禾垵田十畝又劉尚倫捐桑江堤田八畝二分河土六十六畝六分在小河渡船口廟後有菜園週圍墻塹爲界嘉慶四年生員高學選門徒公捐錫香爐一座錫燭臺一對

嘉慶六年奉准 禮部咨欽奉

旨致祭於

沅江縣志

卷十三 秩祀

十八

文昌帝君倣照

闕帝春秋二季祭祀之例辦理前殿現供

神像應照定制增設牌面擬用

文昌帝君神位字樣紅飾金書清漢合璧後殿龕座現  
供

文昌帝君先世後代各神牌查無確據未便請加封號  
謹擬製牌位一分牌面用

文昌帝君先代神位字樣紅飾金書清漢合璧前殿祭  
品用牛一羊一豕一籩豆各十主祭官行三跪九  
叩首禮後殿祭祀不用牛籩豆各八行二跪六叩

首禮

正殿陳設儀注 與關帝廟同

祝文

維嘉慶 年歲次 仲春月 朔越祭日

湖南常德府沅江縣知縣並各官致祭於

文昌帝君曰維

神蹟著西垣樞環北極六匡麗曜協昌運之光華累

代垂靈爲人文之主宰扶正久彰夫感召薦馨宜

致其尊崇茲届仲春用昭時祀尚其歆格鑒此精

虔尚

沅江縣志 卷十三 秩祀 十九

饗

後殿陳設

帛一 白色 爵三 籩八

豆八 羊一 豕一 同俎

鐙二 鑪一 尊一 有勺疏

香槃一 簠二 簋二

鉶二

儀注 同關帝廟後殿

祝文

維嘉慶 年歲次 仲春月 朔越祭日

湖南常德府沅江縣 各官銜名 致祭於

文昌帝君先代神位曰祭引先祠之義禮崇反本之思

矧夫世德彌光延賞斯及祥鍾累代炯列宿之精

靈化被千秋緯人文之主宰是尊後殿用答前庥

茲值仲春秋肅將時事用申告潔

神其格歆尚

饗

火神廟

嘉慶四年知縣傅景醇新建關帝廟右職員金世遠董其事

陳設

沅江縣志 卷十三 秩祀 二十

籩四 豆四 果實五

餘同前

儀注

維嘉慶 年歲次 仲春秋月 日

湖南常德府沅江縣知縣 各官銜名 致祭於

火德熒星尊神曰恭惟

尊神正位離明體陰用陽配坎福民有功民社祀典

崇新茲屆仲春秋敬薦豆馨惟望

神靈默佑

心曜含精上報懷柔之

聖世下錫康吉於蒼生剗牲酌酒

神其鑒此一誠尚

饗

城隍廟

附

在縣東百步按明洪武元年皆加以封爵府曰公  
州曰侯縣曰伯三年詔革去封號止稱某府州縣  
城隍之神歲無專祀惟春秋二仲月合祭於風雲  
雷雨山川壇又主厲祭每朔望行香遇水旱則禱  
康熙五年六月火災廟燬知縣成明瑞捐貲重建  
規模如故惟兩廊廡宇神像俱頽至康熙三十五

沅江縣志

卷十三 秩祀

二十一

年知縣朱永輝重修並繪神像於圍牆間置戲臺  
一座子孫堂一間嘉慶七年知縣傅景錞倡修外  
殿九年監生龍爲陞重建戲臺廟有香火田四十  
七畝坐落嘉禾垸石頭嘴廟門外有店房二間嘉  
慶十三年代理知縣莫廷柱捐銀七十兩將西邊  
店房一間改建土地祠

水府廟 在小河口有田一十三畝在車子岐合興  
垸有土八十六畝在小河口西與楊姓土連界東  
南北三面距河

倉神廟 在縣署東倉內嘉慶四年知縣傅景錚新建

南嶽廟 在縣後下瓊湖西岸廟後有土一廂嘉慶十三年代理知縣莫廷柱捐銀五十兩修砌廟前石路一條

轄神廟 在縣南大碼頭前卽關帝廟廟後有店房二間嘉慶十三年代理知縣莫廷柱捐銀修砌廟東河街石路一條職員黃志漢修整廟前牆一堵  
景公廟 在沈公坡今廢有神座現入生員熊文熺宗祠

沅江縣志

卷十三 秩祀

二十二

東嶽廟 在縣東一里今廢

黑衣廟 在縣西五里

五嶽廟 在縣南卽大悲寺

李公廟 在子母城今廢

洞庭廟 在白沙嘴渡口係湯姓公建

郭公廟 在角碧口祀郭子儀今廢

湖西廟 在縣西大悲寺遺址改祀水神今廢

蠡山廟 在赤山相傳宋光宅時祀越相范蠡

阮公祠 在縣西祀明知縣阮文忠今廢

姚公祠 在縣西祀明知縣姚允莊今廢

關帝廟 在廖潭口後遷其神於通慧寺廟遂廢今  
僅存公地數畝

古壇 在楊河今廢僅存公地數畝

張公廟 在角碧口今廢

蕭公廟 在車子岐

楊五廟 在後江湖會龍山

侯王廟 在後江湖

南母廟 在縣東小河口今廢

關帝廟 一在郎保大壠田一在河保團嶺山一在

河保新開山

沅江縣志

卷十三 秩祀

二十三

馬公廟 在郎保大潭口西

轄神廟 在郎保東山

南嶽廟 在馬保河山坡

杉林祠 在白湖塘昔人建祠泰伯仲雍季歷今廢

萬壽宮 康熙五十八年江西五府客籍陸續增修

關帝殿蕭公殿觀音閣並劇臺左右園圃  
均有圍牆前抵瓊湖水後抵北街爲界

建源宮 閩省客籍建乾隆十六年增修關帝殿觀

音閣二十四年增修天后殿五十年增修  
拜亭劇臺宮有注蘭垵冲天崙香火田六

十畝

金庭會館 乾隆五十年蘇州客籍建

天后殿祝文

致祭於

勅封護國庇民妙靈昭應弘仁普濟福佑羣生天后尊  
神曰惟 神菩薩化身至聖至誠主宰四瀆統御  
百靈海不揚波浪靜風平舟航穩載悉仗 慈仁奉  
旨崇祀永享嘗蒸茲屆仲春秋敬薦豆馨希 神默佑海

晏河清尙 饗